

Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliaartortartunut tunngasunik kommunalbestyrelsit paasissutissanik nalunaaruteqartarnissaat pillugu Namminersornerullutik Oqartussat nalunaarutaat

Suliffeqarnermi innersuussisarneq il.il. pillugu Inatsisartut peqqussutaanni nr. 10, 18. december 2003-meersumi § 2, imm. 2, § 3, imm. 3, aamma § 5 imm. 5 naapertorlugit, aamma Suliffissaaleqisunik sulilersitsiniarneq pillugu Inatsisartut peqqussutaanni nr. 14, 12. november 2001-meersumi § 14, imm. 3 naapertorlugit aalajangersarneqarput:

Nalunaarutigineqartut imassa

§ 1. Suliffissarsiortut ilinniagaqalerniartulluunniit Piareersarfitsigoortumik ingerlassiniartut pillugit paasissutissat, inuttaat tamaasa immikkoortiterlugit, Kommunalbestyrelsip Suliffeqarnermut Inuussutissarsiutinullu ilinniartitaanermut Pisortaqarfimmut imaattut nalunaarutigisassavai:

- 1) Suliffissarsiortup ilinniagaqalerniartulluunniit CPR-normua.
- 2) Suliffissarsiortup ilinniagaqalerniartulluunniit massakkut najugaata inuillu aqqisa allattorsimaffiat naapertorlugu najugarisimasaasai.
- 3) Suliffissarsiortup ilinniagaqalerniartulluunniit nammineq meera 18-it inorlugit ukioqartut angajoqqaaminni najugaqartut qassiunerinik paasissutissat.
- 4) Suliffissarsiortup ilinniagaqalerniartulluunniit atuarsimaneranik, ilinniagarisimasaanik inuussutissarsiutitigullu aqqusaagaqarsimassutsimigut piginnaaneqassusianik paasissutissat.
- 5) Paasissutissat suliffissarsiortoq ilinniagaqalerniartorluunniit isumaginninnermi pisartagaqarsinnaanermi mattunneqarsimasuunersoq, taammassimappallu piffissaq matussaaffigisimasaa.
- 6) Paasissutissat suliffissarsiortoq ilinniagaqalerniartorluunniit isumaginninnermi pisartagaqartuunersoq, aammalu isumaginninnermi pisartakkat tunniunneqartartut suunersut, taamaassimappallu piffissaq pisartagaqarfusoq.
- 7) Paasissutissat siunissami ilinniakkatigut suliffeqalernissamilu suliffissarsiortup ilinniagaqalerniartulluunniit pisariaqartitai pillugit.
- 8) Paasissutissat suliffissarsiortoq ilinniagaqalerniartorluunniit suliffissarsineqarsimanersoq pillugu.
- 9) Suliffissarsiortumut ilinniagaqalerniartumulluunniit suliniutit aallartinneqarsimasut, suliniutit aallartinneqarnerannut naammassineqarnerannullu ullut ilanngullugit.

10) Suliffissarsiortup ilinniagaqalerniartulluunniit suliffissaaleqisutut nalunaarsorneqarsimanerata piffissaq aallartiffia naaffialu.

11) Kommunalbestyrelsi suliffissarsiortumut ilinniagaqalerniartumulluunniit siunnersuineramik ingerlatsinersoq.

§ 2. Kommunalbestyrelsip paasissutissat tulliuttuni pineqartut Suliffeqarnermut Inuussutissarsiutinullu ilinniartitaanermut Pisortaqaqarfiimmu ilisimatitsissutigissavai:

1) suliniutit qanoq ittut, tassunga ilanngullugit pikkorissaanerit ingerlanneqarneri ilinniagaqartitsinerillu kommunalbestyrelsip neqeroorutigissallugit pisariaqartinnerai,

2) ullut suliniutinik aallartitsiffiusut naammassinniffiusullu, siuliani nr. 1-imi allassimasut naleqqiullugit, piginnaanngorsaanerit taakkualu inernerit,

3) avataanit suliartortartut qassit suliaqarfinnut agguarlugit akuersissutigineqarlutik sulilersinneqarsimanersut itigiartinneqarsimanersullut, aamma

4) kommunimi sulisorisat atorfiit taaguutaannut agguarlugit amerlassusaat.

Paasissutissat nalunaarutigineqartarnerat

§ 3. Kommunalbestyrelsip isumannassavaa paasissutissat §§-ini 1 aamma 2-mi pineqartut ingerlaavartumik malinnaatinneqartarnissaat.

Imm. 2. Kommunalbestyrelsip isumagissavaa §§-ini 1 aamma 2-mi pineqartut paasissutissat qaammatini pingasukkaartuni sap. ak. siulliup aallartinnginnerani nalunaarutigineqartarnissaat.

§ 4. Kommunalbestyrelsip §§-ini 1 aamma 2-mi pineqartut paasissutissat nalunaarutigisassavai qarasaasiat atorlugit.

Imm. 2. Suliffeqarnermut Inuussutissarsiutinullu ilinniartitaanermut Pisortaqaqarfiup qarasaasiat atorlugit nalunaaruteqartarnermi ilusissaq sularissavaa kommunalbestyrelsinullu atugassanngortillugu.

Imm. 3. Suliffeqarnermut Inuussutissarsiutinullu ilinniartitaanermut Pisortaqaqarfiup paasissutissat nalunaarutigineqartut suliffeqarnermut qarasaasiamik nalunaarsuiffeqarfik "Suliaq" atorlugu toqqortarisassavai.

Imm. 4. Inuit Suliffeqarnermut Inuussutissarsiutinullu ilinniartitaanermut Pisortaqaqarfiimmit allagartalerneqartut paasissutissat kommunalbestyrelsiniit §§-it 1 aamma 2 naapertorlugit nassiunneqartunik suliareqqiisassapput, taamaasillutillu paasissutissat inunnut ataasiakkaanut tunngatinneqarsinnaajunnaarsinneqartassallutik.

Imm. 5. Kommunalbestyrelsip isumannaassavaa nakkutigalugulu paasissutissat nassiunneqartut kukkusuunnginnissaat paatsiveerusaataannginnissaallu. Eqqunngitsunik paatsiveerussaataasunilluunniit paasissutissiisoqarsimappat kommunalbestyrelsi iluarsissutinik ingerlaannartumik nassiussaqaassaaq, paasissutissat piiarneqarnissaat iluarsineqarnissaalluunniit siunertaralugu.

Atortussanngortitsineq

§ 5. Nalunaarut atortussanngortinneqarpoq 1. januar 2008.

Siverth K. Heilmann

/

Palle Frederiksen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut